



REPUBLIKA E SHQIPËRISË

**AUTORITETI PËR INFORMIMIN
MBI DOKUMENTET E ISH
SIGURIMIT TË SHETIT**

**INSTITUTI I INTEGRIMIT
TË ISH TË
PËRNDJEKURIT POLITIK**

Nr. 50/1 Prot. Datë 15/10/2020

Nr. 12 Prot. Datë 15/10/2020

MARRËVESHJE BASHKËPUNIMI

Autoriteti për Informimin mbi Dokumentet e Ish-Sigurimit të Shtetit (më poshtë **AIDSSH**), përfaqësuar nga **Kryetarja, Znj. Gentiana Sula**;

dhe

Instituti i Integrimit të ish të Përndjekurit Politik (më poshtë **IIPP**), përfaqësuar nga **Drejtori Z. Bilal Kola**;

Nisur prej interesit të përbashkët të dy Institucioneve palët bien dakord të lidhin këtë **Marrëveshje Bashkëpunimi** (më poshtë "**Marrëveshja**").

Neni 1

Qëllimi

Kjo marrëveshje ka për qëllim rritjen e efektivitetit në fushën e:

- Plotësimin dhe përditësimin e arkivave të institucioneve respektive;
- Krijimin e një baze të dhënash të përbashkëta për të internuarit dhe dëbuarit, dhe vend-internimet e kampet e punës;

- Bashkëpunimin në projekte për kujtesën dhe teknikave më të reja për qasjen e saj drejt institucioneve arsimore;
- Bashkëpunimi për krijimin e databazit për të zhdukurit nga të dy institucionet.

Neni 2

Objekti

Objekti i kësaj **Marrëveshje** është institucionalizimi i marrëdhënieve për aplikimin e procedurave që thjeshtojnë bashkëpunimin e ndërsjellë të palëve, në kuadër të identifikimit, grumbullimit, administrimit e dokumenteve e të materialeve arkivore të ish-sigurimit të shtetit dhe të organeve të diktaturës komuniste, si dhe bashkëpunimi në fushën e botimeve, kulturës dhe promovimit të saj, që dëshmojnë periudhën për krimet e komunizmit në Shqipëri dhe periudhën që ka funksionuar ish-sigurimi i shtetit.

Neni 3

Baza ligjore

Baza ligjore e kësaj **Marrëveshje** është Ligji nr. 45/2015 "Për të drejtën e Informimit për dokumentet e ish-Sigurimit të Shtetit të Republikës Popullore Socialiste të Shqipërisë", neni 17 i Rregullores "Për Organizimin dhe Funksionimin e Autoritetit për Informimin mbi Dokumentet e Ish-Sigurimit të Shtetit", miratuar me Vendimin nr.21, datë 09.05.2014 të Autoritetit dhe Ligji nr. 8246, datë 01.10.1997 "Për Institutin e Integrimit të të Përndjekurve", pika 9 e VKM-së nr. 93, datë 27.02.2019, "Për përcaktimin e tarifave dhe të pagesave për shërbimet ndaj institucioneve apo personave, që ofrohen nga Autoriteti për Informimin mbi Dokumentet e ish-Sigurimit të Shtetit"

Neni 4

Sfera e bashkëpunimit

AIDSSH dhe IIPP angazhohen të bashkëpunojnë për përpunimin dhe trajtimin e çështjeve themelore që kanë të bëjnë me të përndjekurit politik, veçanërisht për vendet e kujtesës, ekzekutimit dhe vuajtjeve të dënimit, si dhe në aktivitetet e organizuara prej secilës palë, sipas programeve të miratuara në bashkëpunim bilateral ndërmjet dy Institucioneve, që bëjnë pjesë në fushën e veprimtarisë së tyre.

Palët angazhohen të bashkëpunojnë për referimin e të zhdukurve, krijimin e bazës së të dhënave me akses nga të dy institucionet me emrat e personave të pagjetur.

Neni 5

Të drejta dhe detyrimet e palëve

Në përmbushje të kësaj **Marrëveshje, AIDSSH dhe IIPP** kanë këto të drejta dhe detyrime:

1. të bashkëpunojnë për identifikimin e secilit prej rasteve të gjetjes së të zhdukurve, nga ku AIDSSH, angazhohet të delegojë tek IIPP çdo individë për të dhënë informacion ose raport që i referohet këtyre rasteve me qëllim rritjen e efikasitetit të bashkëpunimit për realizimin me sukses të misionit të gjetjes së të zhdukurve;
2. të marrin pjesë në takime të organizuara nga secila palë, për çështje që janë objekt i kësaj Marrëveshje, sipas sferës së bashkëpunimit;
3. të bashkërendojnë punën për vendet e kujtesës të ekzekutimit dhe vuajtjes së dënimit politik me burgim dhe vuajtjes së dënimit në kampet e internimit;
4. AIDSSH angazhohet të bashkëpunojë për referimin e rasteve për dëmshpërblimin dhe rehabilitimin pranë IIPP-së;
5. të organizojnë, hapin ose shkëmbejnë ekspozita që kanë si bazë pasurinë dokumentare apo kulturore në fushat respektive që dy Institucionet mbulojnë sipas ligjit;
6. të organizojnë konferenca, takime, workshop-e për të nxitur ndërgjegjësimin e të gjithë atyre që u janë përpunuar/ruajtur të dhënat nga ish-sigurimi i shtetit, gjatë periudhës së diktaturës komuniste, me qëllimin krijimin e një kulturë gjithëpërfshirëse për njohjen e dokumentacionit arkivor të kësaj periudhe.

Neni 6

Koordinimi ndërmjet palëve

1. Në zbatim të kësaj **Marrëveshje, AIDSSH dhe IIPP** do të caktojnë nga një person kontakti.
2. Personat e kontaktit do të mbajnë takime ndërmjet tyre në varësi të nevojës për shkëmbim informacioni dhe do të informojnë titullarin e institucionit në lidhje me zbatimin e kësaj Marrëveshje.
3. Komunikimi mes palëve do të jetë në formë zyrtare shkresore, duke mos përjashtuar format me të shpejta të komunikimit elektronik.
4. Palët do të njoftojnë reciprokisht në rast se ndryshohet personi i kontaktit.

Neni 7

Përmirësimet, Ndryshimet, Shtesat

1. Palët mund të bëjnë përmirësime, ndryshime dhe/apo shtesa në këtë **Marrëveshje**, bazuar në pëlqimin e ndërsjellë të tyre.

2. Çdo përmirësim, ndryshim dhe/apo shtesë do të bëhet vetëm me shkrim nga titullarët e AIDSSH dhe IIPP, apo nga persona të autorizuar prej tyre dhe do të hyjnë në fuqi pas nënshkrimit të tyre.

Neni 8

Pronësia intelektuale

Të gjitha pronat intelektuale (intervista, dëshmi, filma, etj.) të zotëruara nga secila Palë para nënshkrimit të kësaj marrëveshjeje do të mbeten pronë e vetme e Palës e cila i ka në pronësi. Pronësia intelektuale e krijuar si rezultat i bashkëpunimit sipas kësaj Marrëveshjeje do të jetë në pronësi të përbashkët e të dyja palëve.

Palët i japin leje jo-ekskluzive, të revokueshme, pa pagesë, njëri-tjetrit, për të përdorur materialet (në çfarëdo lloj forme qofshin) në pronësi të secilit, në mbështetje të këtij bashkëpunimi.

"Individoale" *"kollektive"*
Në raste të tjera të kërkesave individuale dhe studimore të të përndjekurve, të identifikuar nga Instituti i Integritetit të ish-të Përndjekurit Politik, në mënyrë për ti ardhur në ndihmë qytetarit për t'u njohur dhe për të patur pa shpërblim dokumentacionin që dëshmon vuajtjet e tij, apo të të afërmeve të tij, aplikohet tarifë e reduktuar deri në masën 100%.
Për aplikimin e kësaj pike ish-i përndjekuri kërkesë pranë AIDSSH-së duhet të jetë i pajisur me statusin e ish-të përndjekurit, apo në mungesë të tij me një dokument që vërteton përndjekjen nga IIPP-ja dhe/ose AIDSSH.

Neni 9

Mirëbesimi

1. AIDSSH dhe IIPP do të respektojnë parimin e mirëbesimit të ndërsjellë.
2. Palët duhet të mbajnë në mirëbesim të gjitha dokumentet, të dhënat dhe informacionet e tjera të shkëmbyera prej tyre në lidhje me këtë Marrëveshje.

Neni 10

Afati i marrëveshjes

1. Kjo Marrëveshje do të lidhet për një kohëzgjatje të pacaktuar.
2. Marrëveshja mund të përfundojë nga secila Palë nëpërmjet dërgimit të një njoftimi me shkrim Palës tjetër, (të paktën një muaj përpara).
3. Në rast të përfundimit të kësaj Marrëveshjeje, palët do t'u përmbahen detyrimeve që rrjedhin nga kjo Marrëveshje, përsa i përket informacionit të shkëmbyer përpara datës së përfundimit të saj.

Neni 11


Nënshkrimi dhe hyrja në fuqi

1. Kjo Marrëveshje hyn në fuqi ditën e nënshkrimit të saj.
2. Marrëveshja është hartuar në Tiranë, në katër kopje origjinale, dy prej të cilave depozitohen në **Autoritetin për Informimin mbi Dokumentet e ish-Sigurimit të Shtetit** dhe dy të tjera në **Institutin e Integrimit të Ish të Përndjekurve**.

PËR

Autoritetin për Informimin mbi

Dokumentet e ish-Sigurimit të Shtetit



Gentiana SULA

KRYETARJA E AUTORITETIT

PËR

Institutin e Integrimit të Ish

të Përndjekurve

Bilal KOLA


DREJTORI I PËRGJITHSHËM

